

安雅堂詩集

《四部備要》

集部

上海中華書局據原刻本校刊

桐鄉

陸費逵總勘

杭縣

高時顯輯校

杭縣

吳汝霖監造

版權所有不許翻印

安雅堂詩序

嘉裳先生之淹吾越也未及數月而雷動風行百廢具舉予觀先生之治大都批郢導轍而一本乎斯民之性情及問俗之暇出一篇以相示曰安雅堂詩予受而讀之而知先生之詩則又批郢導轍而一本乎先生之性情者也詩之道難矣哉旬煨月煉句敲字推其不以三百篇爲岷山之一鱗求其滴瀝歸原者蓋亦鮮矣自夫漢魏齊梁初盛中晚之聲影盤平於學者之習次分別太明既舍下而趨上亦屈己以殉人譬諸東家之效西子繼盡得彼之影像而已失己之生動況其所爲效之者不取之於意態神格而區區從事於粉香脂澤云乎哉先生外不見人內不見己性情之發如是而出如是而止所謂滴瀝歸原者耳憶先生與予同對

大廷時大鴻臚欲以體貌相加予浙及山左數人奮起交爭稍不爲屈成禮而退先生與焉時先生方終軍英妙之年相其意氣已具安天下之略顧予識先生之意氣於二十年之前今始識先生之性情於二十年之後予之知先生者已晚乃其安天下之略試之吾越而吾越效予且身受其福予之知先生者又甚真也自先生治越登之至安而歸於大雅然則安雅二字先生以之顏堂者予一以論先生之治一以論先生之詩

順治庚子初冬日治年弟蕭山來集之拜手題

序

客有屬予序宋子詩者予曰子不可以序宋子也嘉裳年弱冠詩賦動海內洎爲進士在郎署古文詞隨手傾出學者捧爲蛇珠拱璧予時驚下騎款段馬隨衆出入館舍譁浪嬉戲受其書不能成讀己丑乞假歸先君從行篋中得之慨然歎曰今日詩宗乃在萊陽汝輩真愧死矣子時愧之然猶不肯讀書距今年開泰繡詠紺珠寶母空青一色其言備四氣協三靈所爲和平之音猗那清廟之奏撞華魚錦安行序序至其幽悲困蹙落莫之言則又如戛夜琴按霜刃情詞淒緊溢水滿山其心思可以釣淵弋雲握機連吳真詞路之八門五花也予年四十齒搖髮白今始卒讀年來朝夕靡辦無通條舉宋元枝綴中曉固不能步宋子之末屢欲一言時似不可得也夫人敘次文章如吏部放官必其品地高過作者不則肩背相望始可握管作讀誦之事予望宋子尚在天上有以序爲客曰此宋志也嘉裳每語子詩雕琢極意饒有鄉里附庸之目今日詩宗果在萊陽而其謂子乃不去口何詎不可握管作誦乎予曰信如子言益不可以爲序也夫三唐異製分河飲水予既不能親宋子之堂與顧自以詩導性情隨人好尚故乃辭蛾眉効蠶齒卸進賢教塾角以我親宋子常覺心懽悅目時貽憫然不敢自以爲詩又何以序爲客曰嘉裳雖早貴中遭變故舉家浮頓吳越之閒幾致餓口及爲戶曹郎坐黜謫騎危履險頌繁踰歲乃開花苑蘭藻林取千餘年之騷人墨士而衡鑒之其識日益廣學日益瞻其詩沉鬱凌雅日益變化天其或者磨煉其志氣而發皇其神明嘗之窮陰返寒百物新眺鳴春一至若華顛苗此宋子之所爲詩也物固不能兩全宋子擅文章之譽而其缺陷乃在人事予從年少即已優悠仕路所得于天者多矣何復觀其少者予曰春華競芳然不能斷梗龍蛇起陸然不能植朽斃夫予亦天地間之欠人也童時喪母中歲喪父終膺惡疾貧窮愁苦千楚百沸卒未能奮然一肆力于筆墨之場得與世之文士相頤頤天雖欲砥礪我亦終自棄也矣客曰宋子既已許子子之所爲讀誦宋子亦已至矣請錄以爲序予仍貽書宋子曰子不敢以序予也

安雅堂詩集 序

順治庚子仲冬同門弟金壇蔣超拜撰

安雅堂詩目錄

五言古二十四首

七言古十七首

五言律九十首

七言律九十首

五言排律十三首

七言排律一首

七言絕三十三首

六言絕二十一首

年家子丁克援

任韓燦

丁夢芝較正

原
书
空
白
页

安雅堂詩

萊陽宋 琬玉叔著

五言古

上元公夫子

矯矯但侯柏帝龍門桐鳳樓丹霞綵翻飛離離吾師海嶽姿作賦凌崕峒
彈琴面少室雙鳥臨河嵩到今漆蔡間棠葉紛雲其聖朝應期運霄雨從飛龍
詔拜青瑣闥一鶚橫高空袖中諫獵書惜勿回宸聽東華退食暇韓慕開扶
風參差舊長遂四座陳筵饋美材盡吳越燕趙兼梁雍殿子牀下拜自晒同蕭
蓬愧匪鄭高密庶令吾道東時維孟夏月令旦薄天中師年南愈艾膚澤如丹
紅雲衣燦冰雪手策青芙蓉欲獻九如篇蹇拙難爲工書聞滄海上貝闕羅珠
宮羽人驂虬鸞歌嘯烟波通願師享黃髮德與天魏崇策名日月上坐收鼎耳
功方將騎白鹿高揖尋韓終或充掃花使碧漢遙相從

贈宮紫玄二章

翡翠巢蘭若瓊枝樓海鶴君子乘遐思翔翔慎所託□寇撫長劍驅馬游京洛
桓福揖公卿絳灌爲之作太息昭王臺黃金久寂冥拂衣駕言遠去去青門郭
夏朋別路衝客子行復却燕趙異嗜昔濁酒猶堪酌古來羨豪達曾不羞翟衡
紫爾青驪駒懷哉咏揚霍

其二

驚風飄朔葉玄雁鳴中林豈無稻梁志浩然江海心情問客何遊言返故山岑
平生懷五嶽杖策將幽尋寒雲欲從君長此長淮深相知在顧盼豈必投兼金
何以敘綢繆三奏朱絃琴宵征易水上勿爲霜露侵悵悵門客倦仰墜陸沉
贈別張蒼伯歸里

公孫昔未遇海上牧豕豬一旦麻絲射策承明廬吾友張伯子千里續麟
觀書洞百家作賦鄙三都及余同落落便塞守菰蘆衆人尊其耳笑我爲輟駒
抗懷千載外高論追黃虞酒酣滅明燭殘雪埋戶樞歲年去如波況乃憂患俱
上書來關下名動卿大夫余方脫羈羅握手天一隅欲上昭王臺憂仲久棲燕

感茲拂衣去不乞步兵尉投老轉惜別欲去復踟躕幾子懷更苦不敢思算總
故園北山北松檜交笙笙君歸幸相思好夢安可無

先大夫諱日爲壽寺禮佛因示諸生

摩葉堂更榮流波無重回哀哀古孝子痛哭嗟蜉蝣余少薄祿賦無凌雲才
側聞過庭訓愛惜如瓊瑰弱齡把鉛槧慈顏爲之開乾坤當百六梁木忽然摧
譬彼玄鳥難巢傾雕梁災孽使松下神霜落成枯我自我歌鮮民星紀凡屢該
況乃忝符節龍山摧以鶴松阡渺何處莫窮萬與萊飄蕭生髮髮膝下無嬰孩
緬想夜臺內惻惻傷其懷誓言守遺教敢令官方乖庶以清白風稍酬罔極哀
宛彼鳴鳩詩俛仰誠悲哉

其二

依依簾際燕嗷嗷林間鳥經營哺其兒毛傷尾畢通人生非空桑二人誰則無
匹庶有至性矧乃賢哲徒孝弟與甘泉感格良非誣義和無停策條忽及桑榆
榮名一不早回首空嗟吁推牛而祭墓不及酒一盃紫綵與丹書何如菽水俱
最哉二三子努力崇令圖及爾北堂親策名日月衡曾閱在吾黨咫尺非遙途
作歌以相警慎勿學老夫

祭沈少參妣陽

昔我先大夫掄材古豫州八紘羅鸞驚一顧空驂騑之子起河朔豪邁無與儔
射策居上第出宰臨東牟孤城兵火後父老嗟蟬蛻車甫及境數政何優柔
管絃遍衢巷多士歌薪頑翻翻遊冶兒買犢歸田疇甘雨赴期至黍稷皆盈篝
明堂計循吏續冠東諸侯到今朱邑祠敬哭未暫休維時我問卿初服返海陬
家有小丘壑園林頗清幽公餘屏驕馭杖屨相追游臥觀溪月上醉聽松風道
曰余方弱冠上書不見收感君恆倒屣匪從世法求憶君西歸日杖血別道周
詎知纏百六小邑遭戈矛殺戮盡兒童白骨高于丘先人痛已矣微軀亦幸留
乾坤竟鼎沸四海合虔劉閭閻萬餘里鴻雁無飛郵聞君剖符竹千騎青海頭
何圖邊境口貝錦誰爲謀鳳凰銀羽翻翻燕雀徒鳴嘯祗役赴臈首漸近聞所由
痛哭呼穹蒼血淚零雙眸相視各老醜問我有子否昔別猶未幾髮髮忽如驚

握手更攜酒沉醉感陽樓官將歸王屋終老營裘結廬百泉上質營千畝獨
藏書一萬卷足可恣冥搜況多抗稻田四時饒新菽汝如厭管組借我盟鷺鷥
君懷敬通憤兼抱西河憂還家席未暖沉疴遂無瘳凶計至成紀驚恒肝腸抽
龍水本鳴咽悲風益颯颯巨卿頻入夢素車漸滯道故交日零落俛仰嗟浮瀝
矧余際家難鶴鶴陷離仇昔君鳴琴日顧我長悲愁充耳豈回聽覆轍將奚尤
緬想九原內聞之亦啾啾茲當發東圻掛劍臨松楸灑酒巾尚在清樽絕獻酬
吁嗟子敬琴絃亡真可掇令子雙環玕變棘通王夏墨莊餘素業所未憂終憂
哭罷顧王程欲去仍停轡回首蘇門道淚盡衝津流

大雪自封臺宿張秀才家

看山不厭遲暝色一何速雪花埋馬蹄迺就田家宿寒風無索綯白板新泥屋
主人貧且閑鮮種滿園竹答云遠塵市新曆未曾讀昨因寒先農豚肩會宗族
幸有濁醪存使君盡一斛夜聲靜聽犬朝光見農鹿告歸且復留公府下尺牘
何日謝簪纓還山買黃犢

丁酉季春赴任北平留別秦州守姜繼海

余以甲午春謬領龍頭節維時值天災厚地忽而裂可憐半秦民骨肉驚陶穴
板屋盡丘墟堅城無遺堞余也對殘黎呼天眼流血雖懷蒼生憂內顧漸薄劣
安得命世才同心拯危照姜侯中州來熊車甫安轍下令減征徭秦人大歡悅
共發囊中金審端視圭臬春鐸手自操經營及瑣屑庶民盡子來恭敷弗可輟
屬誰乃疊飛高壘屹如鐵豺狼竟屏跡鴻雁有安宅應府錄微勳馳書奏朝
列小臣蒙大寶蟠蟠出 御闈問誰為佐理感君相提挈匡裏其不遠彌縫其
失缺茲當赴北平置酒未忍別古人有良規過剛則虞折君有百鍊金素絲果
清絕濟之以委蛇發言捫其舌剛柔寬猛間斟酌貴明晰復嘉陵役閭閻青
云竭努力策脩塗留心此倪畫大用佇可期比隆于稷契扶淚強登車回首心
悵悵

寄蕭舍之

昔事大司農并轡游京洛長歡頗備信心期共然諾□□余多愁滑稽君善謔

數歲夜忘歸醒聞傾囊落一塵先後出音書兩寂寥烟波萬里肝膽向誰暴
感物迹已陳懷人事如昨夢寐見顏色然疑醒時作矧余年齒衰削符降絕漢
揚舟在中沈沈汎安所託之子秉退讓道遠情不薄南方有奇樹相思結紅萼
封題寄塞垣清規代夏葉

蜥蜴行

退食苦炎熱披襟聊散快青蠅何營營室小厭充溢智勇兩無施未可張羅罟
承塵多蜥蜴三五相儔匹見蠅忽如怒奮迅搖其乙須臾翻靜臨臨敵轉恐慄
將還復斂身欲動或屈膝攻取勢多端精神適專一青蠅一何愚忘情似親唾
呼吸飽唇吻百試不一失未即盡驅除去我心所嫉吁嗟此小蟲暗合兵家術
始焉誓在機絲也刃出解 叶古來師老馬戰勝未敢必蓋至則寡謀禍機戒不
密可憐智伯頭竟為仇人漆

夏雨初晴同路紀望太守王心任郡丞劉聲玉司李李公治令君泛舟虎

頭石作

出郭病良已物色新霽後旭日露平曉輕烟冒遠岫柳岸離離啼麥鷓聞雉雞
參佐命方舟乘流望巖巖昔人挽大黃瓊發掌石透遺跡襟莽間於菟昂其首
我輩際時康邊亭罷斥堠所憎簿領繁困人如介甫自公偶然暇盡觴歡清晝
舉網出鱸鮓開林走鸚鵡山暝勿遽歸漁人可相就

游釣臺作

未雨山如醉既雨山如醒遙遙水雲間蒼翠無時定我攜筇竹根捫蘿踐危磴
平安鷗鷺羣曲造鹿麋徑高峯矗層霄突兀有餘勁鳴榔潭底搖吹簫谷中應
僧房水鳥棲松際孤烟凝薄暮且投輪闌干醉復凭

謁韓昌黎祠

先生海嶽姿實踐聖賢奧介立貞元朝正氣何浩浩著論續微言傳薪在原道
微公表章力執障狂瀾倒茲邦迺迺故里廟模範圭璋鄉人困豺虎生齒墜凋耗
安得奮雲旗再惠鯢魚暴秦山不可踰俯仰餘深悼明理展奉遺餘生願執掃
九原風雨中英爽冀來告

宋徽書約遊五峯時余有所紹之行慨念別離賦詩爲贈

宋子吾故人幼懷經世志豪舉類孔融然諾如季次筮仕古昌黎彈丸黑子地
况乃半荒土斯民實憔悴君攜一僕至慨然有深嘆愛與父老約盡罷無名費
拔薤擊豪宗談笑誅奸吏哀鴻四野集秋禾望道絕豺狼男女安耕織
我來誠信宿憑軒三異五峯高聳天拄笏看蒼翠抱被臥雲半坐觀海日出
茲當發會稽叩底話難寐未聞古人御剛柔在執轡費我西門豹佩章豈無意
世路日崎嶇太行未爲晉君子敬其身發言無太易何以贈余行周行祈相示
回首共宿處依然白雲閣

韓子新歸中州詩以贈之

韓生何似儂雅志慕田疇結交盡豪俠座多荆榛流盧龍滿陽九鶴巢半爲鳩
猛虎殲其牙墮人如猥穢先幾貴明快盡室相與謀華牽或徒步不辭道理脩
始聞林慮好繼愛靈巖幽邑宰聞生來下榻如南州鄰里聞生來饋糧貽耕牛
空同沒百載不能庇一杯金魚落人手白骨誰爲收生也具衣冠馬驚封還丘
前年奉廣柳葬父南山頭謁余着麻鞋夷然無所求郡乘久零落感懷懷深憂
山川風俗書佐我志窮蒐君家有釣臺樓樹與雲浮瞻言二三子攜壘命輕舟
垂竿發長嘯顧盼心悠悠今茲渡黃河余亦將南轉哲兄樓會稽卓爾梁鴻儔
著書探矩委未肯干諸侯平安未妨寄以我當置郵行行且造廬庶幾一見不
苦熱篇

纖舟不能發矧茲天氣暘河流繞至軒日中如沸湯陽鳥豈不渴祝融何陸梁
兀坐地盈尺展轉轉肉傷殘書摺作枕偃息投匡牀蚊蚋率其羣以我充餘糧
攪衣還復起觸目飛糝糠晶晶塵尾柄爲爾徒摧戕倚櫺望河漢朱鳥森光芒
初弦出片月箏車來微涼飭饌躍滑瀨鷓鴣鳴方塘安能奮羽翼一舉凌雲翔
放溜仲家淺見新月喜而有作

舟行百日程南陵千里道客子心已瘁榜人口徒燥快哉汶泗交安流隱飛瀑
今晨張我帆彌望烟波浩郵籤驟息更前村忽而到新月破層雲稚子驚相告
車爾命盤樟衣裳任顛倒銀河澹欲沒遙天碧如掃愛茲素彩涼頗覺炎風好

荒蒲白鷺眠高柳昏鴉噪隔岸喚漁翁長歌竟余微

舟中遣懷

少年慕游俠座多高陽客笑登燕市樓流連風雨夕哀歌撫長劍鷓鴣呼五白
一自歎離羣飲酒不盈石

其二

夙志好詩書思與古人友雖無履局姿奇文每在口聰明今漸衰記一或遺九
努力學蠹魚悠然至皓首

其三

憶昔快登臨健可方麋鹿振衣日觀峯杖策車箱谷筋力夫何如馳驅憚平陸
何當餌紫芝逍遙飼黃犢

其四

生年將半百蹉跎不自料浮沉亦何爲俯仰堪一笑古來稱豪達豈必登津要
中歲有徵長鱸魚庶能釣

其五

爲儒易成腐誤人惟薄宦取彼羨與苗紛糝失真履載讀神農經悔爲尺符綰
東臯田已荒歸耕未云晏

其六

書笑枕中書黃金散劉向遭逢龐眉叟要言理無誑招我游三山猿鵝飲壑沆
安期予比隲騎龍定相訪

原
书
空
白
页

七言古

長歌爲沈時沛孝廉生日作

代作

沈侯系自休文出卓犖丰姿美無匹當時作賦重華宮七澤神龍君第一余也
嗟乎趨後塵片言相許成膠漆爾我翻翻俱少年飛揚意氣生雲烟白銅堤上
聞高咏黃鶴樓中幾醉眠離陽春和者寡綠毫落紙千人傳幾年飄蕩干戈
際握手燕山輪往事關下難陳賈誼書座間時露襟衡氣自是才人數每奇折
腰手板將爲吏刺門雪花大如席記君懸弧是今夕斗酒十千紛獻酬登堂盡
是江海客壯志還看劍似霜流年坐數轉如戟沈侯盡此金巨羅我今憐將
入爲君歌丈夫貴有四方志漢家邊吏功勳多駿馬貂裘行出塞君今不醉將
如何

長歌贈吳雪航先生

先生昔當其昧初首排閭閻陳良書帝傍玉女不敢笑彼何御史能牽裾
衣暫輟頭頭勇東向滄溟覽日月飛騰曾登落雁臺驅車直歷飲馬窟今皇
敷政開明堂再修封事論否臧危詞激切鋒刃怒忠不諒謂之狂九重詔下
秋官議羣公未解朝廷意天子深憐唐子方當殿惜無辛慶忌同伏青蒲長
太息學士李君遺遠謫我公再拜荷優容果爾天心不可測冷暑浮沉且閉關
求羊三徑相追扳草曲驚花載酒過橋橫風雪賦詩還聞道新增中謁者長門
哀怨無人寫沉復年來水旱頻豺虎縱橫雁滿野公也顧我涕霑襟風塵歎歎
違寸心五畝芙蓉湖畔宅拂衣便欲抽朝簪及歸昔稱社稷臣臨危不肯愛其
身我公慎勿歌垂綸欲以文章報天子須使功名學古人

翁玉于年兄以蕭尺木畫杜子美詩冊索題

蕭生畫手稱絕妙風格遠過文待詔會觀天問與九歌荒唐隱怪皆殊育三閭
大夫色慘悴山鬼乘程警竊窺解衣盤礴余在旁舉杯向天發狂嘯翁侯酷愛
少陵詩驚人佳句常相隨手裂生綃三十幅蕭生一一丹青之院花草堂若在
眼劍門棧道橫參差龍樞歸來無長物獨攜此冊還京師長安公卿頗好事書
畫寧復論真偽百鎰始購宣審杯千金買銅畫瓦此圖一出價必高翁侯愛

說不肯捨即今蓬轉轉蕭瑟欲歸無舟陸無馬翁侯會離離令爾愛杜陵翁千
年坊壘將無同蘆花采采雁南度笠澤烟水秋懷遠君歸結廬在何處余欲攜
筆學梁鴻蕭生風有五湖志何不招隱來江東嗚呼何不招隱來江東畫君與
余持竿垂釣秋風中

送別張九如之任興化太守

離離雲際雁汎汎沙中鷗人生聚散不易料片雲浮梗常悠悠昔我逢君燕市
初放懷今古中情舒官屬司農分簿領並驅羣馬乘車車非事居然猶敵手逐
北君常寬而走同列驚從壁上觀航籌錯亂橫星斗余也沈身在尉羅君爲太
息長悲歌便解左驂欲相讓使我涕淚如江波作牧閩天載素琴風濤萬里蠻
烟深渴唐欲老不召見延年出守非其心故人官似黃楊厄余亦飄搖江海客
男兒鬱鬱不自得鶴栖燕壘何能擇隼旆飛飛出國門躊躇握手翻無言回首
長安舊酒徒一時歷落如驚猿五兩南征去不患鷗鷺聲遙遙相憶驛使何時
發武夷應折梅花寄顏色

題松鶴圖爲仲兄五十壽

我兄之生歲在己巳長余九齡雁行二憶昔高堂無恙時綵衣拜舞肩相次小
試爭奪赤羽旗揮毫競奪中原轍擢第猶能及老親小弟青雲偏折翅西子湖
頭開早衙烏紗皂蓋神仙吏丹筆繞搖霹靂飛朱轡未出豺狼避自從海水變
爲桑回頭萬事空茫茫夢寐之章寧忍讀瓶傾壺恥心悲涼哀樂由來有至性
每逢初度罷杯觴況復還時倍坎壈驛驛未歸深推藏璫珎釣辛且須把清泉
白石聊餉伴男兒七尺最磊落風神奕奕鬚眉蒼去年余領西州救省兄暫返
停車賦隔家三舍報添丁握手歡呼動顏色懸弧恰值歲將除賀者盈門塗巷
寒骨肉團圓喜且驚驪駒雙駕王程逼兄也扶病至西郊送我遙遙赴秦國
但言清白學先人更愁遠道防眠食今年嘉平之下弦我兄五十開筵筵鶴鶴
目斷猿猴澤鴻雁阻絕象龍川龍頭梅花凍不發寒枝欲折誰爲傳懸知滿堂
奏絲管啣卮西望崆峒戴子喃喃學爺語持螯索哺嬌可憐豈知季父天涯
外夢魂飛越心爲牽卓蘭唐生善丘壘拂拭吳綾雅雅礪一揮散作赤城霞幾

羣鷺出青田鷗我誠此幅選明恥何以伴之銀鑿落彷彿雕梁素壁間虎奏損
吹儼酬酢羣仙出沒方壺山疊市金銀幻樓閣何須萬令贈丹砂自有安期留
大藥吾家園林非一區春來萬籟鳴笙等余年雖壯意已衰鄉心日夜思羣鷺
菱荷衣就會當去九折之坂何崎嶇百年真樂在棠棣何如攬勝歸粉榆唐生
唐生肯與俱我親隨驕之裘爲之酷更逾五十杖而趨濡毫縮袖惟爾需盡我
東臬二老圖

送別魯壁山將軍

將軍當年擁漢節痛哭秦庭眼流血奇謀不用大廈危銅駝荆棘空鳴咽
今皇仗鉞初入關詔錄先朝舊豪傑公也脫校謁承明豐沛公侯驚歎地方略應
推耿鄧儔游談詎數蘇張舌 至尊親解御貂裘虎符繡盤盤瑞珠一舉掃清
濟深塵棘門關上豺狼滅秦關要害古金城推轂因爲出塞行仲升節鉞新開
府充國氏羌舊識各射鵰夜避烏蘭塞牧馬朝開細柳營一朝拂衣解兵柄掛
冠直欲歸蓬瀛花門回紇釐面留渭濱龍更華前旌芒屨竹杖計已就餐霞煉
藥身何輕與君相期游五嶽徘徊媚宦心榮榮君家仲連蹈海後笑擲千金如
敵荀即今三佩黃金印還鄉却乘牛車走饒墓純鈞玉轡驢宵來時作蛟龍吼
邊更愁看龍水流故人醉折秦亭柳聞道涼州羽檄飛吐谷軍屯張掖久安得
渴唐爲上書旌旄復拜雲中守寧使山中老祥麟須令塞上無刁斗願君驅馬
莫勿勿明月關山一回首

送別俞眉仙歸新安

古人爲吏惜折腰今人爲吏愁吹毛渭城小邑大如掌百家殺盡十家逃俞侯
年少專城居渭人始得歸田廬郭外行春策病馬壁間退食餘枯魚一朝微中
考功法拙官連時乃承乏妻兒驢背坐復跌擔囊但有琴書壓君家舊在黃山
曲武谿千轉清如玉拂衣長嘯山水間回首風塵真僕僕五柳門前菊欲黃布
帆高掛兼葭蒼去來今倫相憶離雁飛時書數行

秋夜有懷胡蒼恆憲副作長歌寄之

故人昔領岷山節十日書來猶恨缺故人歸臥嵩陽岑相思千里無好音憶在

秦亭酌君酒觀面方新聞聲久百杯以後持紫髯片語相要成白首壯哉君侯
力如虎曾將綵筆題鸛鵒面縛轅門吐谷渾氏種謳歌羌女舞去秋八月兼渡
時飛簡寄我仇池詩開卷如聞十九泉淙淙幽壑寒流漸一朝長嘯拂衣去巾
車東指咸陽路向柴桑五柳村門臨少室三花樹邊人避道苦死留惟我知
君此舉誠良謀滿我綠玉樽攬君白豹裘縱轡隨蕭蕭之故壘振衣數奇飛將之
荒丘古來豪傑轍轍向如此吾輩龍驤之骨難封侯醉看吳鉤醉上馬北風吹
淚雪滿野臨歧握手莫相忘歸雁城邊結連社社中鷗鷺應相待漸余尙是浮
沉者君不見向子平襄權五嶽稱逃名當年若無禽慶相周旋空山弔影徒悵
悵我今何爲滯西龍一官僣塞同雕甍樓終年違素心急流千丈輸君勇卜
宅將從王粲居載酒同澆劉伶家

贈蜀中李鵬海進士

昔君射策明光宮騰騰燕市聯聯空誰遣妖星逼天關鼎湖竟墜高號弓小臣
華壽死未得重爾萬里還鄉國劍閣巉峨戰血腥豺狼猶據晉巴夔入口淒涼
何所歸窮途那免寒與飢長纓作伴拾橡栗短褐不完歌采薇清渭頭釣鮒
鯉殊茅結屋將已矣亭邊呵止故將軍驢背誰知前進士青嶺竹笠秦川來登
高樓古臺皇臺酒酣拔劍舞劍舞夢回巫峽秋猿哀遠人自古嗟飄蕩鼓刀而
屠太公望天子宵衣問陳淪微書旦夕磻谿上

送王西山之閩

故人昔作恆州宰解組歸來今十載蕭東避世王君公短笠長竿傍滄海匪意
柴桑臥未堅一官還謫向閩天閩天一去萬餘里男兒心事劇可憐鄉國豺狼
兼斯場豎毛鷄爪相教迫折將果樹付樵青險理眉甘鐫白嗟余磨折風塵
裏浮沉堪笑車生耳各有深慙言不了况復形容俱老矣君之諸孫是我甥大
兒白哲能聰明來時繞膝問其姨婦日挽纜解送行勸爾攜家慈母歸園差
足忘羈旅屢殫且飽荔枝香兒童應効顰顰聞道瓊江征戰苦庚癸頻呼淚
如雨好將心計佐藩宣莫學君家短主簿

贈別趙懿侯

昔年同應賢良謬汾陽才子年最少藐姑仙人謫塵表冰雪爲姿善騎蹏燕山握手獨相憐歷落崎嶇同調狂歌舉筑酒人旁中夜登樓發長嘯出幸姑蘇有異聞吳人往往稱神君余也琴舟恰相訪載酒同醒要離墳今時強項難爲吏南箕貝錦何紛紛解組能遂幽討遍探禹穴發奇文十載故人消息斷忽向盧龍驛教段有駭眉各自驚共說遺達有深嘆示我新詩字字工但道窮愁無畔岸已知縮綬與潘生更欲從戎學王粲聞道王師下夜郎銅標討日開南荒幕府誰能帥露布需君五色之筆如干將飲君壘上醪酥酒君其引滿盡一觴若逢驛使遙相憶早寄南征詩數行

釣臺圖歌贈馬蘭臺山人

九嶷山人聊說世伏波將軍之苗裔家在漢波紫閣閑孤情獨與烟霞契彈華叩缶本秦聲裂裳爲衣皆楚製備冠誤人幾半生秋風屢雪劉賓客長策筆硯事丹青潑墨吮毫稱絕藝橫轍酷似黃大癡細染還宗吳仲圭近代以來教文沈嘉隆而後作者誰山人工意不工似匠心自出無專師盧龍山水頗不惡韓家釣臺尤最奇一峯高入白雲裏登樓坐見海澹滄游入欲繪每束手譬如寫照難殫眉一日坐我悠然堂解衣礪礪無人窺須臾圖成掛諸壁高巖遂谷光參差瀾灩旋渦漁艇立竊冥洞口烟蘿垂主人轉生有狂癖此臺自爾高曾貽見圖再拜悲且喜重之不啻商尊彝便買貞珉勒山側酌酒欲告山靈知山人此別欲何往贈汝一枝筇竹杖避世宜從麋鹿羣結廬高臥仙人掌寧恤牀頭妻子飢要令胸中丘壑長我今持節越王城蘭臺刻鏤恣僣仰預拂霜縑以待君一揮欲使羣山響記取雲深一丈時山人須鼓山陰槳

哀辭爲高二亮姬人作有序

蓋聞神約無雙降嫺娟于帝子靈妃有耦每婉孌于風人贈佩仙姝拾翠幸來江澥散花天女乘雲偶到人間吹弄玉之簫並摩青鳳付雲英之杵交頤玄霜然而暮雨忽晴莫覓瑤姬之館綵霞一散空悲阿閼之城官笛士之鍾情爲佳人而掩袂望塵滋感偏傷潘岳之心易服而悲不免守荆之涕哀悼之作有自來矣播人生於名聞幼棄異像有文在手預占魯國

之祥遇雪能詩不忝謝家之範雲裏楚楚長眠翡翠之樓素腕盈盈疊纖驚喬之綺游洛濱之水飄若驚鴻來陌上之桑空勞駐馬二亮先生家擅琳瑯人疑瓊樹接西京之詞賦會題夢筆之橋訪南國之娉婷親歷浣紗之石感神巫之云吉復龜筮之威從渡若晉之溪迎來桃葉重海棠之價聘以梅花鄉是溫柔豈白雲之足羨歌成宛轉恐素體之將飛纖錦殘絲散作香奩之曲畫眉餘黛助成封禪之書鏡裏雙鸞忽散蘭賓之影雲端三鳥俄催蘭苑之旌其始至也托靈鳳以爲媒其將歸焉以文魚而作騰香香蕪蕪嗟胡香之不驗珊瑚瑤玉恨齊客之無徵宜其撫錦瑟而歎對金鉤而露臆者矣昔者彥先贈婦陸子代以爲言李倩傷神傳生見而深慨莫不流韻金闌遺悲形管凡以哀絕代之難逢慰良朋之沉瘵不可廢也爰抽短思而作長歌其辭曰

高侯海岳文章伯前身應是仙人謫文姬滅沒已千年演作傳奇十八拍廣陵坐上較之豪一日題遍金釵客美人如林看不足片帆訪聽君溪曲雲母爲舟蘭作橈載得嫺娟名碧玉碧玉家在白蘋湖冰雪生來指爪殊百兩將歸須吉士十年乃字感神巫日出東南秦氏樓使君有馬空躊躇偏愛陶潛五株柳不羨石家百斛珠皎皎香華金跳脫沉沉秋月博山爐秋月春華經幾許書向鍼樓理機杆織得鮫綃束楚腰教成鸚鵡能吳語分明記得前漢舞羅袂飄飄欲輕舉古來尤物本移人月降星流信有神聞道嫺娥曾嫁異或言洛女定爲甄絳衣使者前致辭雲旗翠罕何就脫君是玉皇香案吏幸遇蕊珠宮裏嬪六載塵緣勞繡眷此別萍萍幾時見臨臨離離燕燕悲泣來翠鳳搔頭顛鬟髮還梳隨馬羣羣留猶索縈縈驚驚可憐小院落數枝碧紗無復流鶯囀黃洛山前飛暮雨行人競醉夷光墓人間何處覓桃根天上祇應依桂叢我聞此事慘惻數思佳人葬北邙平子定情良足羨潘岳哀歌亦可傷海外招魂方士死空乾詎有胡僧香造物由來多怪書明珠易墮珊瑚渤海高侯奇福爾曾消況是傾城難再得

續寶日年兄爲其太夫人盧墓歌以哭之

昔君作吏長淮北升堂拜母歡相得石獲湖頭別幾秋寄書竟之南飛翼去年
奉母廣柳車麻衣徒步歸里閭倉皇未得走相唁炙鵲欲裏空容趨近聞馬鬣
已就封何以樹之梓與松白石而垣茅作屋晨昏上食如殯素冠樂樂淚瀾
瀾涕痕瀾處繁英死夜半空山雷電過母也無驚兄在此小人有母早相捐音
容勢難留柩櫓生兒未得一日養萬鍾黍稷嗟然君不見顏烏之哀高於山
羣鳥啣土血斑斑又不見東陽許孜攀枝哭猛獸聞之殺麋鹿至性由來動鬼
神夢夢我堪堪再讀北平郡志遺燼燼忠孝無微罪長更今看墓側產芝馴白
免我將大書特書記其事

放歌行贈馬義徵

畫花如欲語畫為如欲飛徐黃已往不可作近數淮南馬布衣蹇蹇笠來燕
市五侯屏幃生光輝尤覺蒼鷹及鴻雁楓林蠅蠅蘆花稀霜華未下孤兔走碧
波羣吟待藻肥我從龍首來攜得一鶴鷄顧影哀鳴交念儔伍君繪其一
桐花陸素壁雕龍相向舞雪衣化去委蒼苔丹青尙爾留風雨高士從來信不
羈雲林絕迹虎頭癡狂歌白眼每驚座醉臥青樓畫眉鸞鶴與後復何有但
言實通蘆酒只今八月雁來時袖中禿筆還如帶一幅吳綃結一斗

歲己亥楊月十有三日恭值我太僕長兄六表有二初度又四日則吾嫂
張恭人設悅之吉蓋長于余兄者一焉碩人君子百年偕老蘭內雍雍琴
瑟在御雖詩人所咏萬里木諸什何以過之宜其和能致祥以引無疆
之年也璫璫官於外不克稱百年之勝者十三載於茲矣念具爾之無多
知還轅於何日爰命畫師繪圖為壽圖成而系之以詩俾童子誦以侑酒
神宗戊戌吾兄生是時吾父方筆耕長貧未免牛衣泣詩書口授從孺嬰解
辨之無有深喜掌中珍惜如連城小第懸弧在館舍嫂氏灼騰聞啼聲我母
初來棄家政姑婦相依以爲命曉汲寒燈夜續麻二人不復憂溫清織紉常爲
隣里師顏藥善體慈憐性惟布能安德耀粧劬勞獨抱桓君獲吾父東曹曾
典選兄也出入蓬萊殿大官珍膳視禮節上林芻蕘輸圻甸阿卿拜命佩銀黃
滿朝動色公卿羨座上常盈珠履客五侯傾倒通賓客一起拂乾坤雁行

零落今半存丹腹空餘堂構恨白楊堪泣鶴鶴原筋力年來猶覺樂青鞵竹杖
行丘園時共山僧談浩劫每從田父開芳樽絳人甲子已雙周琴瑟雅容至白
頭閨德由來咏樛木小星無怨抱衾綢錦筵開日途長至人同宮闈共添籌宗
黨迎門致羊酒百年僧老真好述有弟有弟在肥如側身東望空躊躇即今謬
忝金魚佩尙憶當時竹馬車官貧何物堪爲壽釣得灤江雙鯉魚嫂氏中廚辦
鹽豉烹之燕客當何如

白鳥行

濟州城北葦葦叢蚊虻舉族巢其中子孫不知幾萬億得時栩栩乘炎風飛而
食人帝所命薄暮奮翅聲騰騰憤入雕甍及翠帳詎分舴艋與腰纏深閨驅遣
損絢眉中夜爬拂愁老翁二三游魂鮑不隨獻賦或染桃笙紅庶人火攻出下
策男呻女吟宵難終漸近淮徐聞更感此物亦復傷南宗吁嗟乎南山之虎尙
可縛靈爾小蟲何太惡利啄渾疑李嶺州輕趨頗似秦長脚夜譙誰乾鸚鵡螺
畫眠未穩驚驚毒蠅女冰肌啄作瑕楚妃玉臂甘如酪司令吾將罪祝融俾爾
遺種今爲虐安得伯益焚山林掃清窟穴無栖託君不見城關千年老紫姑人
肝作脯羣相呼何況區區肌與膚即今跳梁何地無爾曹細瑣何足誅

五言律

燒燬

別渚王姬館危磯帝妹祠空山悲杜宇深夜舞鴻夷緒岸如三峽青峯接九疑
楓環風雨降英爽逼雲旗

馮唐墓

馮公昔未遇執戟淹留一萬雲中守能寬漢主憂古碑荒藪合高柳暮鴉秋
自笑爲郎拙蕭蕭欲白頭

宿涇陽驛聞傳懷和年兄

別酒臨江岸連綿宿驛亭亂雲催髮白疎雨逼燈青久客征衣黯危樓鼓角傳
往來嗟旅食空負使臣星

其二

懷抱經年結村隱此夜徹明河秋不落白驪月初寒官似吳江吟歌成蜀道難
塞鴻相逐發一向桑乾

王敬哉先生招同黃卜周楊堯叟家兄答吳游摩訶著作

贊公寂滅後不復到雲林荒徑留紅藥空堂掩素琴松陰依塔長磐響入州深
倚杖斜陽外歸遲憐鳥音

送李澹河掌科守制歸里

仙郎遺書省攬涕別青門封事留三殿遺書泣九原明星瞻轍轡春水問河源
寄謝雲山曲歸心滿故園

其二

裴我初罷詠之子倍含悽去國猶猶在及關驚正啼清樺雙關外芳艸二陵西
爲爾加餐句殷勤戒馬蹄

送高勵昌孝廉守制

秋水青門外含悽挽素車感君孺子泣使我故人嗟荒艸迷歸騎孤帆隱暮笳
裴我初罷詠之子倍含悽去國猶猶在及關驚正啼清樺雙關外芳艸二陵西

其二

良友悲遺線扁舟跣步回何堪烏爲恨重以鶴鶴哀白毫能依墓黃金欲築臺
莫愁書不達北雁又將來

長春寺上人送菜

園叟攜筐至青絲束紫莖佐子脫粟飯分爾羅葵羹野客能忘酒家人不辨名
伊蒲新雨後來看月華盈

送趙眉魯之任萬年

送君剡門外飛鳥隸章城小邑仍愁稅南荒未解兵彈琴驅虎去買犢勸農耕
東帶應多暇匡廬踏月行

其二

少年依下里奇字問東隣弓冷千秋淚乾坤雙鯉民鱸魚吾有夢澤雉爾能馴
潘岳初爲令風波敬此身

其三

見說子兄病兼載令弟書平安無使到蕭索傍誰居橘柚美人思兼度使者車
若逢彭蠡雁莫使好音疎

送姪稼菴之興安令

爾作銅章吏子慚華髮翁香隨荀令綬馬羨鮑家驄并邑干戈後家園涕淚中
先人俱出牧清白是良弓

其二

仲容才本健叔夜少而孤莫惜折腰苦須寬弄口租九江看虎渡大澤有鷓鴣呼
到日梅花發題詩寄老夫

白仲調太夫人壽詩

蚤歲歌黃鶴諸郎羨紫輦花迷甲子鶴髮聞春秋笛奏雙成曲笙吹十二樓
徵音齊苑母彤管至今留

其二

貝葉金仙偈蓮臺繡佛前斷慈明大義服桂引長年縣圃瓊爲樹方壺海作田
登堂慚束皙欲補白華篇

月夜張華平趙次公張蒼伯小集蘋園

平生多所負不獨爲青山明月一樽酒主人千里還孤琴燭雁外殘雪辭蘇閣
歲晏真蕭瑟因君且閉關

甲午春日道出頤丘先大夫舊游地也拜瞻祠宇涕泗泫然感而賦詩得
十首

初入境

勝地巖君宰猶聞五袴歌種花今尙滿攬轡此重過遺老悲棠葉孤兒感擊我
傷心烽火後流涕向山河

望城郭

昔侍鳴琴暇言從竹馬兒今來持節拜已及杖鳩時九折王尊馭千秋朱邑祠
蕭蕭松柏影風雨護南枝

拜先大夫于益詠堂

異政西門紀空堂北郭間餘恩兼夏日墮淚滿秋山伏臘羔羊獻笙歌雉子班
征衣聞風驚無奈苦追攀

謁先師于澤宮

清學宮舊
先君所建

仰止懷宣聖經營首闕宮機杼春殿裏絲竹古牆中遺構靈光在宏規闕里同
煌煌三秀岬已兆桂花叢

謁先大夫于名宦祠

賈父仍名子桐鄉卽是家山川留夢血俎豆接青霞沈公純會
爲頤丘令露寒懷雙鹿虞
人頌五紀漢庭循吏傳不數兩隨車

傷清先達李布衣諸君子之沒

千旄歌上國結綰舊名都君子曾貽紆先人每式塵空餘羊舌泣猶憶鯉庭趨
欲續招魂賦巫陽不可呼

清之名彦鄭羽宸杜允良李方壺輩皆先君門下士相繼而歿詩以哀之

舉比橫經日生徒萬屢登伊人懷杜預吾道在康成質杖悲樂木脩文各玉京
鄰家吹笛切倍使旅魂驚

清有二使館皆先君鼎新

皇華使者署南北此傳鑰客至渾忘暑功成不費陶堪遲博望節詎有灤門諱
四牡今來止光輝感聖朝

頤丘官署

來青曾築閣聽雪舊名軒李母烏裨樹留賓綠玉樽高齋眠鶴子新雨長桐孫
尙想過庭日班衣爛熳門

先祠牆垣半圯于水豫章徐公豫齋修築堅好終篇專美并以志感

遺愛歌誰嗣雙鳬自豫章聲名徐孺榻碑版盡公堂賜復蘋蘩永搗文蓮豆光
九原如可作錫類諒難忘

送張康侯進士赴選

才子半爲吏如君方少年一時驚綵筆百里聽朱絃雨雪關山道音書鴻雁天
梅花春信好寄我上陵篇時大駕有
于山陵

其二

蓂莢聲蒼蒼弓刀客子裝秦風餘驥驅漢使重星郎擊寶休天馬彈琴下鳳凰
定蒙宣室問災異說維桑時天水
地震

送東雲維孝廉

絕塞輪文地清秋送客歸長天驛馬去昨夜早鴻飛藥裏還家減書郵過龍稀
承明需射策莫戀故山薇

其二

羨爾龍高臥運華峯下居青袍雙鬢老黃葉二陵疎已著潛夫論還陳災異書
故人京洛遍問訊近何如

同歐陽介菴拜杜子美祠堂

少陵栖隱處古屋鎖苔苔峭壁星辰上驚濤風雨來人從三峽去地入七歌哀
欲作招魂賦臨流首重回

甲午初冬同趙一鶴歐陽介菴宿鷗山寺

洞壑迷青靄松杉隱白毫客來秋已盡坐久月初高天外羣峯小雲端板屋牢

明朝臨絕頂筋力未辭勞

其二

驚嶺何年關鷄巢此地傳松聲長似雨鬱氣自成煙夢散疎鐘外心清古佛前
欲從仙吏隱結宇共樓禪

其三

看山心倍勇聞磬夜何清虎傍禪牀穴人從木杪行振衣霜石色高枕納泉聲
羨爾仇池長頻來履齒輕

寄懷胡蒼恆惠副

絕域悲行役同君賦遠遊共懷五嶽志各有百年愁黃葉岷山早青天渭水流
相思倍蕭索中夜倚層樓

其二

壯志堪乘陸浮名悔入關人疑龍性傲官似馬曹閒板屋青羌俗柴扉紫邏山
邊城須衛霍未許拂衣還

其三

仇池山四面百里少經過愧我勞車馬輪君踐薛蘿題詩猿鳥怪寄語水雲多
欲擬天台賦其如疎嬾何

其四

相知方恨晚相見一何疎拙官憐同調孤城奈索居秦關砧響夜羌笛雁飛初
頗有洮河經遠將尺素書

其五

詩筒勞驛使招隱有新篇厭見關山月官耕練水田黃精能駐老濁酒易忘年
余亦滄浪客歸心爲爾堅

其六

聳君輕綬冕鈴閣鎮秋局昨日一書至伊余雙淚零愁邊秋艸含望裏暮雲停
安得聯床語更深煮茯苓

其七

一官如客子萬里離頭分旅況蕭條見家艱涕泗皆防身豺虎窟玩世鹿麋羣
七發漸收叟何由起使君

送別嚴方公任南安大參

建節西荒外俱爲萬里游仙人親把袂王子喜同舟飛鸞驪馬宮衣藉翠裘
論文真不厭模被宿秦樓

其二

數惠子宗哀論文七澤迴江山鱗藻鏡竹箭得卿才華屋半疊淚丹楓宋玉哀
遺孤常在念此誼古人哉

其三

璽書來麗上征旆指江關檄到龍龜宅詩留鳥鼠山橫梅邊使寄塞柳爲君攀
佇羨樓船外壑發過百蠻

其四

王程過粟里洗沐試萊衣氣辨雙龍劍家傳一釣磯君王咨岳牧才子老戎機
鶴首遲遲發乘秋向北飛

贈門人張惠之

試舉西州士驂駟爾獨先家餘博物志手注養生篇倣儻龍爲友窮愁硯作田
相期游太華歛頂問青蓮

寄王敬哉詹尹

不見王詹事相思隔禁林傳經家學遠求劍主恩深萬里驅車地三年避弋心
瑤華如可寄一和龍頭吟

其二

自作秦亭客邊鴻幾度飛有書常隱姓無夢不釋衣憶在碧雲寺飽看紅葉歸
此游何日再題首向王畿

冷心芬輓詩四首 有序

順治丙申又五月朔三日驚聞吾友故川南道梅庵冷老社翁之訃社第
宋琬具要經爲位于獲門之外而哭會有他務不暇爲文以祭爰作輓詩